

**KERATAN AKHBAR-AKHBAR TEMPATAN
TARIKH: 7 FEBRUARI 2016 (AHAD)**

Bil	Tajuk	Akhbar
1	Ramai remaja bijak siber	Metro Ahad
2	Ekspedisi pelayaran saintifik 2016	Metro Ahad
3	Getting soaked on CNY	Sunday Star
4	Vital to learn science	Sunday Star
5	Wet start to Fire Year	Sunday Star

KERATAN AKHBAR
 METRO AHAD (RENCANA) : MUKA SURAT 46
 TARIKH : 7 FEBRUARI 2016 (AHAD)



TEKANAN rakan sebaya antara masalah menerusi Internet.

Ramai remaja bijak siber

■ Hari Internet Selamat usul ibu bapa dan anak kongsi pengalaman hindari risiko

Oleh Aniza Zainudin
 anizazainudin@hmetro.com.my

Berbanding memendam masalah sendiri hingga menjelaskan rutin di rumah dan sekolah, remaja memilih untuk berkongsi kesedihan bersama ibu bapa malah ada yang mengambil langkah bijak dengan membuat laporan polis demi melindungi diri.

Laporan Kajian Kebangsaan Digi CyberSAFE 2015 membabitkan 18,000 pelajar sekolah mendedahkan remaja menetapkan skala 3.99 daripada 5 (tertinggi) mempercayai ibu bapa menjadi satu saluran terbaik bagi membantu mereka sekiranya berdepan isu buli siber.

Pengurus Program Kestarian Digi, Phillip Ling berkata, lebih 93 peratus pelajar sekolah berusia antara 11 hingga 18 tahun di seluruh negara termasuk pedalaman Sabah menggunakan kemudahan Internet dalam kehidupan harian.

Menariknya, golongan remaja ini menyedari alternatif dan strategi terbaik sekiranya mereka berdepan isu negatif ketika melayari Internet.

"Ini termasuk menukar tetapan privasi ataupun menyekat individu tidak

dikenali, mengadu pada guru dan pihak berkuasa dan meminta bantuan teman.

"Pendidikan secara berterusan memberi kesedaran dan pengetahuan kepada pelajar untuk melindungi maklumat privasi dan diri daripada risiko jenayah siber.

"Pada masa sama, tidak dinafikan wujud kalangan remaja memilih untuk menyembunyikan masalah terutama buli siber dan tekanan rakan sebaya daripada pengetahuan ibu bapa.

"Wujud persepsi dalam diri remaja, jika masalah itu didedahkan kemungkinan ibu bapa akan menyekat penggunaan Internet.

"Justeru, kita mengambil inisiatif merapatkan jurang kefahaman antara dua pihak, lantas memudahkan ibu bapa dan anak saling berkongsi pengalaman," katanya.

Tegasnya, ibu bapa tidak seharusnya menyekat penggunaan Internet untuk remaja, sebaliknya bertanggungjawab memberikan kesedaran bahawa kemudahan berkenaan boleh diguna demi perkara yang membina kapasiti diri, bukan sekadar sosial.

Menurut Phillip, ibu bapa

“Pendekatan secara berbilang secara terbuka antara dua pihak dapat mengurangkan risiko bahaya remaja dalam penggunaan aplikasi dalam talian”

MOHD SILAMIL

perlu berbilang secara terbuka bersama anak mengenai penggunaan dan penyalahgunaan Internet. Pastinya ibu bapa harus

mempersiapkan diri dengan ilmu untuk mendidik anak anak.

"Perkembangan dunia teknologi terlalu pantas. Hampir setiap hari wujud aplikasi sosial terbaru dan pelbagai fungsi, malah rema-

ja antara individu terawal menguasai aplikasi berkenaan.

"Ibu bapa pasti terkejut-kejut mengikuti perubahan itu, tatkala ibu bapa berjaya menguasai aplikasi berkenaan, remaja pula sudah bertukar ke aplikasi berbeza.

"Tidak dinafikan ada ibu bapa sukar untuk menentukan kaedah terbaik untuk berbilang.

Penggunaan bahasa mudah dan mudah digunakan perbualan santai, antara



CyberSecurity MALAYSIA

**KERATAN AKHBAR
METRO AHAD (RENCANA) : MUKA SURAT 47
TARIKH : 7 FEBRUARI 2016 (AHAD)**

MEMILIH ibu bapa sebagai penyelesaian buli siber.



• Pendidikan secara berterusan memberi kesedaran dan pengetahuan kepada pelajar untuk melindungi maklumat privasi dan diri daripada risiko jenayah siber

PHILIP LING



langkah awal perlu dilakukan.

"Perbualan santai ini membolehkan kedua-dua pihak berkongsi pengetahuan, memudahkan perbincangan untuk berbicara mengenai faedah dan risiko penyalahgunaan Internet.

"Tindakan ini membuatkan anak lebih selesa untuk berkongsi pengalaman dan mengetahui ibu bapa sentiasa di sisi untuk membantu," jelasnya yang juga memperkenalkan buku panduan ibu bapa, Cara Untuk Berbincang Tentang Internet Dengan Anak-anak Anda oleh Digi, UNICEF Malaysia dan Telenor Group.

Sementara itu, Ketua Jabatan Rangkaian Luar dan Komunikasi Korporat, CyberSecurity Malaysia, Mohd Shamil Mohd Yusoff berkata, ibu bapa dan anak perlu memiliki pengetahuan siber terutama aspek keselamatan serta privasi.

"Pendekatan berbincang secara terbuka antara dua pihak dapat mengurangkan risiko bahaya remaja dalam penggunaan aplikasi dalam talian.

"Kenal pasti risiko setiap aplikasi yang diguna, kemas kini peranti antivirus, penukaran kata laluan dengan kekerapan berkala dan penggunaan Internet di tempat terbuka dalam pemantauan keluarga, antara langkah boleh dipraktikkan kepada anak.

"Tidak dinafikan, segeintir ibu bapa menetapkan syarat penggunaan Internet sesudah menyelesaikan tugas sekolah mahupun menerima keputusan cemerlang.

"Tawaran itu antara kaedah baik untuk memberikan pendedahan teknologi kepada anak, tambahan pula dunia menuju ke era digital dan selayaknya generasi muda mesra Internet.



REMAJA bijak mencari alternatif menyelesaikan masalah.

SAMBUTAN SID 2016.

"Namun, ibu bapa tidak harus leka dalam menyusun peraturan yang lebih disiplin supaya ia berkesan melindungi anak daripada jenayah siber yang tidak disedari sama ada dalam kalangan rakan mahupun penjenayah," katanya ketika ditemui.

Sejajar dengan sambutan 'Safer Internet Day 2016' (SID, Hari Internet Selamat) yang diraikan pada 9 Februari di seluruh dunia, bertemakan 'Play Your Part For Better Internet', Mohd Shamil menegaskan bahawa

Internet selamat tidak hanya tertumpu pada golongan kanak-kanak, bahkan semua pengguna pelbagai peringkat usia.

Katanya lagi, kebanyakan pengguna Internet tidak menitikberatkan aspek keselamatan siber dan melindungi maklumat privasi, justeru program kesedaran harus dilaksanakan secara berterusan pada peringkat sekolah mahupun organisasi.

"Berkekalkan ilmu dan kefahaman mengenai keselamatan Internet, pengguna bijak boleh bertindak seba-

gai peneraju persekitaran siber yang selamat.

"Pengerak ini sentiasa berfikir dan bersedia mengenai isu keselamatan termasuk buli siber dan perkongsian info menerusi laman sosial. Sebelum ia dikongsikan bersama teman, individu ini terlebih dulu membuat kajian dan pertimbangan sebelum diviralkan.

"Amalan penggunaan Internet secara positif juga memberi inspirasi kepada rakan lain, terutama mengemas kini status tanpa me-

nyentuh hal peribadi terutama lokasi kediaman, yang memungkinkan kehadiran penjenayah.

"Pengguna juga perlu lebih proaktif bagi melindungi diri, merangkumi aplikasi antivirus dan kata laluan.

"Dinasihatkan satu akaun mempunyai satu kata laluan, bukannya menggunakan satu kata laluan sama untuk akaun berbeza. Jika ini berlaku, secara tidak langsung individu dengan sengaja membuka jalan mudah buat penggodam mencuri maklumat diri," jelasnya.

